

մէջ ապրողները բոլորն էլ հայախօս (ինչ-պէս իրանք ասում են հայնակ) մահմետականներ են. պահպանել են տոհմական լեզուի հետ սովորոյթ-բարքերը, բայց Պամխալի եւ Պալխարի ժողովուրդը թրքախօս է :

## Ը.

Թորդում:

Պարխալ գետի խառնունքից տասը կիլոմետր արեւելք ձորոխն առաջ գնալով՝ ընդունում է Թորդում վտակը, որը սկիզբն է առնում Կուչկուշար լճից: Այս լճը չլիթայուած են Չաուրմա, Դումլի, Կազան, Մալախլի եւ Էգրիչայի լճից. եօթն առուակներ միանգամայն, միեւնոյն բարձրութիւնից ու հեռաւորութիւնից դուրս են գալիս, միանում, Թորդումի վտակի սկիզբն են կազմում: Այդ առուակները իրարից հազիւ թէ երկուական կիլոմետր հեռուից են բղխում, ութն կիլոմետր ցած իջնելով այդ բարձունքներից, միացած մտնում են Զինակեր<sup>1</sup>:

<sup>1</sup> Զինակեր գեղի մօտն է Զինակեր լճակը. (Չենակս) առուակի ակունքում գտնուում է մի փոքր Բերդ-Զինակոր-Վալասի, կամ Քեօր-Օղլի Վալասի: Լերան գագաթներին շինուած աշխատարեան բոլոր ամրոցները ամբողջ Քեօր-Օղլի Վալասի է կոչում, ժողովուրդը միականուն էլ Քեօր է ասում, ինչպէս երկականի կոչին: Զեօր-Օղլի Վալան մեր երկրում ընդհանրապէս աշխատարեան ամրոցներն են: